

ԱՂՎԱՆԱԿԱՆ ՊԵՏՈՒԹՅԱՆ ԿԱԶՄԱՎՈՐՈՒՄԸ

Հ. Ս. ՍՎԱԶՅԱՆ

Աղվանական պետության գոյության մասին առաջին հիշատակությունը պատկանում է հին ու նոր դարաշրջանների սահմանագլխին ապրող հույն աշխարհագետ Ստրաբոնին (մ. թ. ա. 63—մ. թ. 20 թթ.)։ «Նրանց (աղվանացիների—Հ. Ս.) թագավորները,—գրում է նա,—նույնպես հոյակապ են։ Այժմ, ճիշտ է, նրանց մոտ մեկ թագավոր է կառավարում բոլոր ցեղերին, այն դեպքում, երբ նախկինում յուրաքանչյուր տարալեզու ցեղ կառավարվում էր սեփական թագավորով¹։ Լեզուները նրանց մոտ քսանվեցն են, այնպես որ նրանք միմյանց հետ հեշտությամբ չեն մտնում հարաբերությունների մեջ» (Διαφερόνται δὲ καὶ οἱ βασιλεῖς ὅτι μὲν οὖν εἰς ἑκάστων ἀρχαί, πρῶτον δὲ καὶ καὶ ἐπ' αὐτῶν ἐλάτταντο ἰοῖα ἐβασίλευοντο ἑκάστοι. Ἰάωταται δ' εἰς αἶν καὶ εἰκοσι αὐτοῖς δια τῶ μὴ εὐεπίμιχτον πρὸς ἀλλήλους)²։

Ստրաբոնի այս հաղորդումը՝ կապված ստրկատիրական Հռոմի կայսերական ժամանակաշրջանի նվաճումների և, հատկապես, Պոմպեոսի կողմից կայսր արշավանքների հետ, հաստատվում է անտիկ շրջանի այլ հեղինակների տեղեկություններով։ Պլուտարքոսի, Ապպիանոսի, ապա նաև Դիոն Կասիոսի միահամուռ վկայությամբ այդ արշավանքների ժամանակ Պոմպեոսն իր ճանապարհին հանդիպում է արդեն ձևավորված պետական միավորի, իսկ նրա լեզուները կոչվում են լավ զինված, մեծաքանակ և թագավորի կողմից առաջնորդվող կանոնավոր բանակի դեմ³։

1 Ստրաբոնը չի գրում «ժողովուրդ» կամ «թագավորություն» նրա մոտ այս հասկացությունները արտահայտված են «ἰάωταται» լեզուն բառով [Strabo K. B. Треввер, Очерки по истории и культуре Кавказской Албании IV в. до н. э.—VII в. н. э.: М.—Л. 1959, с. 59, С. М. Кркаяшарьян, К интерпретации некоторых сведений древнегреческих авторов об Армении. (Проблемы античной истории и культуры, Ереван 1973, с. 132)]: Այն բառացի հասկանալու դեպքում համապատասխան կապակցությունը կստանար «յուրաքանչյուր լեզու կառավարվում էր սեփական թագավորով» անճիշտ բովանդակությունը, քանի որ լեզուները թագավորներ չեն ունենում։ 2. Ցամաղուսկին, Ելնելով Աղվանքում մեկ ընդհանուր լեզվով խոսող բնակչություն տեսնելու ցանկությունից, գտնում է, որ այստեղ խնդրո առարկա բառը գործածված է «բարբառ» իմաստով և ըստ այդմ էլ եզրակացնում, թե աղվանական ցեղերը ոչ թե խոսել են տարբեր լեզուներով, ալ նույն լեզվի 26 բարբառներով [М. Կ. 3. Ямпольский И., Древние авторы о языке населения Азербайджана. (Известия АН Аз. ССР, 1955, № 8, с. 65, նույնի՝ Две заметки АзФАН, 1942, № 7, с. 74)]: Անշուշտ, 2. Ցամաղուսկին սխալվում է իր նպատակային մեկնաբանությամբ, քանի որ այդ դեպքում նույն կապակցությունը կհնչեր «յուրաքանչյուր բարբառ կառավարվում էր սեփական թագավորով» անիմաստ ձևով, քանզի անհեթեթություն է կարծել, թե բարբառները ունենում են թագավորներ։ Այսպիսով, կասկածից վեր է, որ Ստրաբոնը խոսում է ցեղի մասին։ Սակայն հայտնի է, որ ցեղերն էլ թագավորներ չեն ունենում, ուստի միանգամայն հավանական է, որ հույն աշխարհագետի նշած թագավորները պարզապես ցեղային առաջնորդներ էին։

2 The Geography of Strabo, with an English translation by Horace Leonard Jones, in eight volumes, vol. V, London, 1954, p. 28, 229 (IX, IV; 6), Страбон, География, пер., статья и коммент. Г. А. Стратановского, Л., 1964, с. 476.

3 Plutarch's Lives, with an English translation by Berradotte Perin in eleven volumes, vol. V, London, 1955, p. 204, 209 (Pompey XXXIV, XXXV). Плутарх Сравнительные жизнеописания в трех томах, Т. II, М., 1963, с. 358—359; Appian's Roman History, 2—3

Ջնայած աղբյուրների այս որոշակի հաղորդումներին, մի խումբ ուսումնասիրողներ աղվանական պետության կազմավորման ժամանակաշրջան են համարել մ. թ. I դարը: Այսպես. Աղբեջանի պատմության խորհրդային առաջին հետազոտողներից մեկը՝ Վ. Լևիտովը, գտնում է, որ աղվանացիները «մ. թ. ա. I դարում դեռևս ապրում էին չքայքայված, տոհմացեղային հարաբերությունների պայմաններում»⁴: Ըստ նրա, միայն այդ շրջանում է, որ գույքային անհավասարության առաջացման հետևանքով աղվանական ցեղերի մոտ սկսվում է տոհմական կարգերի քայքայման ու դասակարգերի ձևավորման պրոցեսը⁵: Նույն կարծիքին են նաև այլ հեղինակներ⁶:

Հարցը հատուկ քննության նյութ չդարձնելով՝ հայ պատմաբաններ Ս. Երեմյանն ու Բ. Ուլուբաբյանը Աղվանից պետության ծագման ժամանակաշրջան են համարում մ. թ. I դարը⁷, իսկ Ա. Հակոբյանը, հենվելով բացառապես Ստրաբոնի գործածած «... πρὸς τὸν - այժմ ... նախկինում» կապակցության կառուցվածքի վրա՝ մոտավորապես մ. թ. ա. I դ. սկիզբը⁸:

Անտիկ հեղինակների վերոբերյալ վկայությունները ուսումնասիրողների մի այլ խմբի հանգեցրել են մի անվերապահ հետևության. մ. թ. ա. I դ. կեսերին արդեն գոյություն ունեւր կազմավորված, 26 ցեղերից բաղկացած պետական միավորում՝ «Աղուանք» (Ἀλβανία. Al'anla) անունով, իր թագավորով, կառավարման նվիրապետական համակարգով ու ժամանակին համապատասխան սոցիալ-տնտեսական հասարակարգով: Ընդունելով հանդերձ Աղվանից պետության գոյությունը նշված ժամանակաշրջանում, այս ուսումնասիրողները, սակայն, տարակարծիք են նրա կազմավորման ժամանակի հարցում: Նրանք Աղվանից պետության առաջացումը հիմնականում տանում են ավելի վաղ ժամանակներ: Նրանցից, օրինակ, Կ. Տրեբերը Աղվանքի պատմության ու մշակույթի հարցերին նվիրված իր մենագրության մեջ դրում է, որ Աղվանքում պետությունն իր ավարտուն ձևը ստացած պետք է լինի մ. թ. ա. II դ. կեսերին⁹, սակայն, քիչ հետո ավելացնում է. «գուցե և ավելի շուտ»¹⁰: Նույն հարցի մասին խոսելիս աղբեջանցի հեղինակ Ի. Ալիևը մատնանշում է մ. թ. ա. III—II դդ.: Նա իր այս կարծիքը հիմնավորում է Աղվանքի թագավորի համար Ստրաբոնի գործածած «այժմ - νῦν» արտահայտությամբ, որն, ըստ Ի. Ալիևի, «պետք է վերագրել, համեմատյալ դեպ ոչ ուշ,

Roman History, with an English translation by Horace White. in four vol., vol. II, London, 1955, p. 436—437 (XII, XV, 103). Известия древних писателей греческих и латинских о Скифии и Кавказе, собран, издал с русским переводом В. В. Латышев, Т. I, СПб., 1890, с. 531, D'lo's, Roman History with an English translation by Earnest Cary, in nine volumes, vol. III, London, 1961, p. 92—95 (XXXVI, 54, 1—5).

Դիոն Կասսիոս Կոկկեյանոս, Հռոմեական պատմություն (Հովսեփոս Փլատինոս, Դիոն Կասսիոս, Թարգմ. քննադիր, առաջաբան և ծանոթ. Ս. Մ. Կրկյաշարյանի, Երևան, 1976, էջ 142—143):

⁴ В. Н. Левинатов, Азербайджан с V в. до н. л. по III в. н. л. (Известия АН АзССР, 1950, № 1, с. 79—80).

⁵ Նույն տեղում, էջ 80:

⁶ О. Ш. Исмизаде. Ялойлутепинская культура, Баку, 1956, с. 89, Истории Азербайджана (в трех томах), т. I, Баку, 1958, с. 59.

⁷ С. Т. Еремян, Основные проблемы периодизации истории народов Закавказья (Труды объединенной научной сессии АН СССР и АН Закавказских республик по общественным наукам, Баку, 1957, с. 100), Բ. Ուլուբաբյան, Դրվանքի Հայոց Արևելից կողմանց պատմության, Երևան, 1981, էջ 113:

⁸ А. Акопян, Албания-Алуанк в греко-латинских и древнеармянских источниках, Ереван, 1987, с. 18.

⁹ К. В. Тревер, Очерки по истории и культуре Кавказской Албании IV в. до н. э.—VII в. н. э., М.-Л., 1959, с. 144:

¹⁰ Նույն տեղում, էջ 145:

րան III—II դդ. մ. թ. ա., իսկ, հնարավոր է, և ավելի վաղ ժամանակներին¹¹:

Աղվանական պետության կազմավորման հարցի մասին հատուկ հոգված է հրատարակել Ի. Բաբաևը¹²: Նրա նպատակն է եղել «հնագիտական նյութերի ու գրավոր աղբյուրների տվյալների համադրության հիման վրա վերանայել Աղվանքում պետականության համեմատաբար ուշ ծագման տարածված կարծիքը»¹³: Եվ այս նպատակից էլ ելնելով՝ նա այն համոզմունքն է հայտնել, որ «Աքեմենյան պետության կործանումից հետո, մ. թ. ա. IV դարի վերջում—III դարի սկզբում, ծագում ու ձևավորվում է Աղվանական պետությունը»¹⁴:

Աղվանական պետության մասին խոսելիս, Ֆ. Մամեդովան գրում է, որ այն «անտիկ գրավոր աղբյուրների համաձայն ստեղծվել է մ. թ. ա. I դարում, իսկ ըստ հնագիտական հետազոտությունների՝ IV դ. վերջին տասնամյակում—III դ.¹⁵: Եվ հիմք ընդունելով իբրև թե հնագիտական հետազոտությունների ցույց տված այս ժամանակաշրջանը՝ նա Աղվանքի սահմանների մասին մ. թ. ա. I—մ. թ. I դդ. աղբյուրների հաղորդումները զուգամեխանիկորեն, առանց փաստարկման, տեղափոխում է մ. թ. ա. III դ. և այդ ժամանակից սկսած պատկերում արդեն ձևավորված, իր քաղաքական սահմաններն ունեցող պետական միավորում¹⁶: Նույն մ. թ. ա. IV—III դարերը որպես Աղվանից պետականության առաջացման ժամանակաշրջան են համարում նաև ադրբեջանցի այլ հեղինակներ¹⁷:

Սակայն Աղվանից պետության ծագման համար ցույց տրվող ժամանակաշրջանը ադրբեջանցի հեղինակների կողմից լուրջ ցանկալին իրականության տեղ ներկայացնելու հետևանք է¹⁸, իսկ դրա հաստատմանը միտված վկայությունները՝ ահա՛ մապատասխան: Այսպես. գրեթե բոլոր ադրբեջանցի հեղինակները, Աղվանից պետության ծագման ժամանակաշրջան համարելով իրենց համար ցանկալի IV—III դդ., վկայակոչում են մ. թ. II դ. պատմիչ Արրիանոսի մի հաղորդումը: Իր «Ալեքսանդրի արշավանքը» հայտնի աշխատության մեջ գրելով Մակեդոնիայի ու Աքեմենյան Պարսկաստանի միջև մ. թ. ա. 331 թ. Գավգամելայում տեղի ունեցած ճակատամարտի մասին, Ար-

¹¹ И. Алиев, К интерпретации параграфов 1, 3, 4 и 5 IV главы книги «География» Страбона (Вестник древней истории, 1975, № 3, с. 160).

¹² И. А. Бабаев, К вопросу о возникновении государства Албании (Кавказской). (Известия АН Азерб. ССР, История, философия, право, Баку, 1976, № 4, с. 40—51).

¹³ Նույն տեղում, էջ 40:

¹⁴ Նույն տեղում, էջ 47:

¹⁵ Ф. Мамедова, Политическая история и историческая география Кавказской Албании, Баку, 1986, с. 57.

¹⁶ Նույն տեղում, էջ 144 և հաջ.:

¹⁷ Д. ж. А. Халилов, Материальная культура Кавказской Албании. (IV в. до н. э.—III в. н. э.), Баку, 1985, с. 160, 197, 206; Р. Б. Геюшев, Христианство в Кавказской Албании, Баку, 1984, с. 3.

¹⁸ Ադրբեջանցի հեղինակների ուսումնասիրություններում ընդհանրապես առաջին պլանում են ցանկալին իրականության տեղ ներկայացնելու նկրտումները: Ուստի նրանց աշխատություններում Աղվանքը պատկերվում է արհեստականորեն ընդարձակված սահմաններով, հնացված պատմությամբ, սոցիալական ու տնտեսական բարձր զարգացմամբ ու վաղեմի ժամանակներից այնտեղ թյուրք էթնիկ տարրերի գոյությամբ: Բարեբախտաբար, նման աշխատությունների ամուլությունը պատմական գիտության մեջ արդեն ընդգծել են մասնագետները [տե՛ս А. П. Новосельцев, Древнейшие государства территории СССР (Некоторые итоги и задачи изучения) (История СССР, 1985, № 6, с. 85—103); С. Л. Тихвинский, Состояние и задачи координации исторических исследований (Вопросы истории, М., 1986, № 9)].

րիանոսը հայտնում է, որ աքեմենյանների կողմից մակեդոնացիների դեմ կոչվում էին նաև աղվանացիները: Օգտվելով Ալեքսանդր Մակեդոնացու զինակիցներ կազմող Պտղոմեոսի ու Արիստոբոլոս կասանդրացու ռազմական օրագրերից ու հաշվետվություններից¹⁹, նա մասնավորապես գրում է. «Մարերին գլխավորում էր Ատրոպատեսը, մարերի հետ միասին էին կատիշները, ալբանացիներն ու սակեսինները (Μηδων δὲ ἡγεῖτο Ἀτροπάτης. Συνεστεινοντο δὲ Μηδοί, Καδοσίνοι τε καὶ Ἀλβανοὶ καὶ Σακεσίνοι)»²⁰: Ադրբեջանցի հեղինակների կարծիքով այս հաղորդման մեջ արտացոլված է Աղվանից պետության գոյության գաղափարը: Մինչդեռ, ինչպես երևում է, աղվանացիները հիշյալ ճակատամարտում հանդես չէին գալիս ոչ թե սեփական թագավորի կամ գերագույն հրամանատարի առաջնորդությամբ, որ վայել է պետականության ունեցող ժողովուրդներին (օրինակ, ինչպես Մեծ ու Փոքր Հայքերի բանակները²¹ իրենց թագավորներ Օրոնտեսի ու Միթրաուստեսի գլխավորությամբ²²), այլ մարերի, կատիշների ու սակեսինների հետ մեկտեղ՝ Մարաստանի սատրապ Ատրոպատեսի ընդհանուր հրամանատարության ներքո: Ուրեմն, աղվանացիները նշված ժամանակաշրջանում պետականություն չունեին, քանի որ կոչվում էին ուրիշ երկրի տիրակալի գլխավորությամբ: Այս միտքը հաստատվում է նաև Արիանոսի նույն հաղորդման հետագա քննությամբ: Պարզվում է, որ ինքը՝ պատմիչը ևս տարբեր կարգավիճակներով է ներկայացնում Ատրոպատեսի հրամանատարության տակ կոպոդներին: Նա նախ նշում է մարերին և ընդգծում, որ սրանց գլխավորում էր Ատրոպատեսը (հիշենք՝ «մարերին գլխավորում էր Ատրոպատեսը»), ապա հիշատակում է կատիշներին, աղվանացիներին ու սակեսիններին՝ որպես առաջինների հետ միասին հանդես եկողների (մարերի հետ էին կատիշները, աղվանացիներն ու սակեսինները): Այսպիսի տարաբաժանմամբ անտիկ հեղինակը, կարծես, վերջիններս՝ որպես առանձին ցեղային միությունների, հակադրում է մարերին՝ պետականություն ունեցող ժողովուրդին, որոնք կոչվում էին սեփական առաջնորդի գլխավորությամբ: Եվ, իսկապես, ուսումնասիրվող ժամանակաշրջանում դա համապատասխանում էր պատմական իրականությանը: Անտիկ աղբյուրները, մի կողմից, վկայում են այդ ժամանակ Մարական պետության, մեծ օրինակում՝ Հյուսիսային Մարաստանի գոյությունը (որը քիչ ավելի ուշ նրա սատրապ Ատրոպատեսի անվան հետևությամբ վերանվանվեց Ատրպատական), մյուս կողմից, խոսում կատիշների (նրանց մոտ՝ Καδοσίνοι ու սակեսինների (Σακεσίνοι) մասին՝ որպես միայն ու միայն առանձին ցեղային միավորումների²³, իսկ քանի որ կատիշներն ու սակեսինները այդ աղբյուրներում որոշակիորեն հանդես էին գալիս սոսկ որպես ցեղային միավորներ, ապա կասկած չի կարող լինել, որ մարերից առանձին ու այս ցեղային միությունների կողքին հիշատակվող աղվանացիները ևս Գավգամելայում հանդես էին գալու նմանատիպ քաղաքական կազմավորմամբ: Դա էլ հենց արտացոլել է Արիանոսը՝ սահմանազատում մտցնելով մարերի և կատիշների, սակեսինների ու աղվանացիների միջև:

¹⁹ Arrian, *Anabasis Alexandri*, with an English translation by E. Iliff Robson, in the volumes; vol. I, p. 246 (I, I, 1). Арриан, *Поход Александра*, пер. с древнегреческого Е. Сергеевского, М.-Л., 1962, с. 47.

²⁰ Arrian, III, 8, 4.

²¹ Quintus Curtius, with an English translation by John C. Rolfe, in two volumes, vol. I, London, 1956, p. 272. 273, (IV, XII, 10, 12). Квант Курций Руф. *История Александра Македонского*, М., 1963, с. 115.

²² Arrian, III, 8, 5.

²³ *Երկրի տեղում. Նաև Dindoros of Sicily*, with an English translation by C. H. Oldfather. in ten volumes, vol. I, London, 1960, p. 354, 355 (II, 2, 3, XVII, 6, Դիոդորոս Սիկիլիացի, թարգմ. բնագրից, առաջարան և ծանոթ. Ս. Մ. Կրկյաշարյանի, Երևան, 1985 էջ 17 և հաջ.:

Այսպիսով, Արբիանոսի հիշյալ հաղորդումը չի կարող լինել այն հիմքը, որի վրա իրենց երազած եղրակացություններն են կառուցում ադրբեջանցի հեղինակները: Իրականում այն ցույց է տալիս, որ աղվանացիները նշված IV—III դդ. ապրում էին միայն ու միայն ցեղային միություններով: Այդպիսի եղրակացության են հանգեցնում և հնագիտական աղբյուրները՝ Յալոյլու-թափա անունով հայտնի և մ. թ. ա. V—I դդ. թվագրվող²⁴, այսինքն, ուսումնասիրվող ժամանակաշրջանը ներկայացնող ու մյուս համաժամանակյա հնավայրերի պեղածո նյութերը²⁵: Այդ հնավայրերին հատուկ գետնափոր թաղումներից հայտնաբերված իրերը հիմնականում աշխատանքային գործիքներ են, տարբեր տեսակի զենքեր, կենցաղային առարկաներ, բրոնզյա ու ոսկյա զարդեր²⁶: Դրանք, ցեղի արտոնյալ խավերի հարուստ դամբարանները նրա շարքային անդամների շիրիմներից առանձնացնելով, միաժամանակ ընդգծում են, որ աղվանացիների հասարակական կյանքում այս շրջանում սոսկ սոցիալական շերտավորում էր տեղի ունենում, և ընդհուպ մ. թ. ա. I դարը նրանք ապրում էին ցեղային միություններով: Պեղված բազմաթիվ գերեզմանները իրենց հիմնական պարունակություններով, միմյանցից առանձնապես չեն տարբերվում: Մինչդեռ Աղվանից պետության գոյության դեպքում նրանց մեջ պիտի հանդիպեին թագավորական թաղումներ, որոնց բնութագրական են հարուստ գույքը, որի մեջ աչքի են ընկնում ոչ թե ոսկյա և արծաթյա առօրյա գործածական իրերը, այլ նույն մետաղներից պատրաստված հազվագյուտ առարկաները, բարձրաստիճան նեղեցյալին հողին հանձնելու արարողությունն ուղեկցող մարդկային զանգվածային զոհաբերությունները, դամբարանի մեծածավալ կառուցվածքը²⁷, իսկ մինչև օրս պեղված մեծաքանակ դերեզմանափոսերի շարքում ոչ միայն նշված բնութագրական կողմերով, այլև դեթ այդ կողմերից մեկով առանձնացող և ոչ մի դամբարան Աղվանքում չի հայտնաբերվել: Այս փաստը, որ մատնանշում են նաև իրենք՝ ադրբեջանցի հնագետները²⁸, նմանապես ակներև է դարձնում հարցին այն հեղինակների կամայական մոտեցումը, որոնք հայտարարում են, թե հնագիտական աղբյուրները որպես Աղվանից պետության ծագման ժամանակաշրջան են ցույց տալիս մ. թ. ա. IV—III դարերը:

Այսպիսով, գրավոր աղբյուրներն ու հնագիտական նյութերը միահամուռ վկայում են, որ ուսումնասիրողները սխալվում են Աղվանից պետության առաջացման համար նշելով IV—III և, նույնիսկ, III—II դարերը: Այս ժամանակաշրջանում աղվանական ցեղերի քաղաքական կազմավորումները ցեղային միություններից այն կողմ չէին անցնում: Ըվ միայն ազատվելով Գավգամելայում (331 թ. մ. թ. ա.) պարտություն կրած Աքեմենյանների ենթակայությունից և ձեռք բերելով ինքնուրույնություն, նրանք այդ ինքնուրույնության պայմաններում հասարակական կյանքում տեղի ունեցող որոշակի սոցիալական տեղաշարժերի շնորհիվ գցում են դեպի պետություն տանող ուղու հիմքերը: Քաղաքական կյանքում իշխանությունը որպես մշտական ու ժառանգական պաշտոն կենտրոնանում է ցեղային առաջնորդների, զորապետների և արդեն հատուկ դաս դարձած քրմերի ձեռքում: Դա հանգեցնում է հասարակության այն վաղագույն քաղաքական կազմակերպության ձևին, որը հայտնի է «ռազմական դեմոկրատիա» անունով, իսկ տնտեսական կյանքում մեծ զարկ են ստանում հողագործությունը, արհեստագործությունն ու առև-

²⁴ О. Ш. Исмизаде, *№24. աշխ.*, էջ 72.

²⁵ С. М. Казнев, Археологические памятники Мингечаура как исторический источник для изучения истории Азербайджана (Известия АН АзССР, 1950, № 7, с. 169); Дж. А. Халилов, *№24. աշխ.*, էջ 53.

²⁶ С. М. Казнев, *№24. աշխ.*, էջ 171—172; О. Ш. Исмизаде, *№24. աշխ.*, էջ 4—5; Дж. А. Халилов, *№24. աշխ.*, էջ 54—56.

²⁷ В. М. Массон, Экономика и социальный строй древних обществ, Л., 1976, с. 169.

²⁸ Дж. А. Халилов, *№24. աշխ.*, էջ 201.

տուրը: Նոր, բարձր մակարդակի է հասնում մշակույթը: Այս հիմքերի վրա էլ աղվանական ցեղային միություններում հասարակությունը աստիճանաբար ենթարկվում է սոցիալական տրոհման: Ձևավորվում են այնպիսի հարաբերություններ, որոնք դնում են պետության՝ որպես նորաստեղծ հարաբերությունները կարգավորող հաստատության պահանջ: Սոցիալական, տնտեսական ու քաղաքական բնույթի բնիկ-տեղական նոր ու որակական այսպիսի տեղաշարժերի հետ մեկտեղ աղվանական պետականության ծագման համար անհրաժեշտ էին նաև արտաքին, հոգևոր ու նյութական, մշակութային ազդակներ. նման խոշոր ազդակ ծառայեց հելլենիզմի արևելքում²⁹, որն իր ծաղկուն շրջանում, այսինքն՝ մ. թ. ա. III—I դդ. ընդգրկել էր բավականաչափ ընդարձակ շրջանակներ: Այն սոցիալ-տնտեսական, քաղաքական ու մշակութային կրանքի զարգացման վրա ունեցած իր բարերար դերը կատարում էր ոչ միայն Մակեդոնիայում և սրան հաջորդած պետություններում՝ Սելևկիայում, Նգիպտական թագավորությունում և այլուր, այլև Մեծ Հայքում, Վիրքում, Ատրպատականում և հելլենիստական աշխարհի ծայրամասային մյուս երկրներում:

Նաև մերձկասպյան մարզեր էին ներթափանցում հելլենիզմի տարրեր: Աղվանական ցեղերը, որոնք Ալեքսանդր Մեծի տերության փլատակների վրա ձեռք էին բերել անկախություն ու ինքնուրույնություն, նույնպես ներգրավվել էին հելլենիզմի ամենագոր ազդեցության ոլորտը: Այս շրջանում փոխվում է թաղման ծիսակատարությունը, թաղումները դառնում են գեոմեափորային, դամբարանային՝ մեծաքանակ և նրբագեղ, փայլեցված խեցանոթների, հիմնականում գորշ գույնի: Բացի նետասլաքներից, որոնք պատրաստված են բրոնզից, զենքը երկաթյա է: Զարդերը բրոնզից են: Պատահում են ոսկյա ու արծաթյա իրեր, մանավանդ՝ օղեր³⁰:

Հելլենիստական աշխարհի հետ աղվանական ցեղերի շփումը, սակայն, իրականանում էր ոչ թե հունական տարրի ներթափանցմամբ ու հաստատմամբ, այլ, հիմնականում, տնտեսական կապերի ընդլայնմամբ, միջազգային տարանցիկ առևտրի ծաղկմամբ ու այն քաղաքական իրադարձությունների արձագանքներով, որոնք տեղի էին ունենում Առաջավոր Ասիայում՝ նորաստեղծ Սելևկյան պետության ու մյուս պետությունների միջև: Եվ հելլենիզմի այս գործող ազդեցությամբ աղվանական ցեղերի մոտ էլ ավելի է խորանում սոցիալական շեղումը, մեծանում գույքային անհավասարությունը, աճում մասնավոր սեփականությունը: Այս կապակցությամբ բավական է հիշատակել դամբարաններից հայտնաբերված կնիք-մատանիները, որոնք, ուսումնասիրողների կարծիքով, պատկանել են մասնավոր անձանց՝ և կարող էին ի հայտ գալ միայն մասնավոր սեփականության գոյության պայմաններում³¹: Հստ նրանց, այդ կնիք-մատանիների տերերը, հանդես գալով որպես սեփականատերեր, դրանք օգտագործել են անհատական գույքային գործարքները անձնական կնիքով հաստատելու համար³²: Այդ նույն կնիքների վրա տարբեր հագուստներով պատկերված մարդկանց ուրվագծերում արտաբերվել է հասարակության սոցիալական շերտավորումը: Անվանի մարդկանց ճոխ, զոտեղրված երկար հագուստն ու բարձր գլխարկը խիստ տարբերվում են զինվորի ու այլոց հագուստներից³³:

²⁹ А. Б. Ранович, Эллинизм и его историческая роль, М.-Л., 1960, Всемирная история, т. II, М., 1956, с. 211—342; Հայ ժողովրդի պատմություն, հ. 1, Երևան, 1971, էջ 489—499.

³⁰ С. М. Казиев, *Бзқ. աշխ.*, էջ 173.

³¹ В. Н. Левнатов, *Бзқ. աշխ.*, էջ 60, Дж. А. Халил, *Бзқ. աշխ.*, էջ 186, 189, 201.

³² Նույն տեղում:

³³ В. Н. Левнатов, *Бзқ. աշխ.*, էջ 60.

Աղվանական ցեղերի հասարակական-քաղաքական զարգացման վրա մեծ ազդեցություն է գործում նաև նրանց անմիջական հարևան երկրների՝ Մեծ Հայքի ու Վիրքի պետական կազմավորումների գոյությունը: Այսպիսով մի կողմից հասարակական ու քաղաքական զարգացումը, մյուս կողմից էլ մերձավոր հարևանների պետական-վարչական ապարատի ներգործությունը շուտով հասցնում են նախնադարյան-համայնական կարգերի քայքայմանը, դասակարգային հասարակության առաջացմանն ու աղվանական պետության կազմավորմանը:

Աղվանից պետությունը, ինչպես արդեն ասվել է վերևում, գրավոր աղբյուրներում հիշատակվում է միայն մ. թ. ա. I դարից: Արձանագրելով այս փաստը՝ նույն աղբյուրները նման կազմակերպության գոյությունը նշված դարում ներկայացնում են որպես մի նորահայտ երևույթ երկրի հասարակական-քաղաքական կյանքում: Օրինակ, հենց Ստրաբոնի նկարագրություններում աղվանացիները պատկերված են որպես պետության ու պետական կառուցվածքի հարցերին անտարբեր մի ժողովուրդ: Աշխարհագետը գրում է. «Պատերազմի, պետական կառուցվածքի ու հողագործության հարցերին նրանք վերաբերվում են անհոգությամբ (πολλοὺς δὲ καὶ παλιταίᾳ καὶ γεωργίᾳ ἀπρονοήτως ἐχούσιν)»³⁴: Նման անհոգություն մարդիկ կարող էին ցուցաբերել միայն նորաստեղծ ու կենցաղում դեռևս չամրապնդված հասարակական-քաղաքական երևույթի՝ պետության նկատմամբ: Այս միտքը հաստատում է նաև աղվանական թագավորի համար նույն հեղինակի գործածած և արդեն նշված «այժմ»- «νῦν» արտահայտությունը, որը ցույց է տալիս ոչ թե հեռավոր ժամանակներ, ինչպես իրենց ցանկության համեմատ մեկնաբանում են ուսումնասիրողներից ոմանք³⁵, այլ հենց հույն աշխարհագետի ապրած ժամանակաշրջանը՝ մ. թ. ա. I—մ. թ. I դ.³⁶: Պլուտարքոսի դիտողությամբ էլ, ի հակադրություն լուկուլոսի դեմ պայքարում Տիգրան Մեծին օգնության եկած «թագավորներին», այսինքն՝ պետություն ունեցող ժողովուրդների, Կասպից ծովի մոտերքից եկել էր աղվանացիների բազմությունը (πολλοί... Ἀλβανοί)³⁷. «Բազմությունը» (πολλοί) տերմինում դրսևորվել է աղվանացիների հասարակական-քաղաքական կյանքում պետության նորագոյացման գաղափարը:

Պետությունների բնութագրական հատկություններից է սեփական դրամների թողարկումը: Այս տեսակետից ևս մոտենալով հարցին, կտեսնենք, որ Աղվանքում տեղական կերտվածքի դրամները, որոնց թողարկումը, որպես պետության տարբերիչ հատկանիշ, հաջորդել է նրա ծագմանը, ի հայտ են գալիս զգալիորեն ավելի ուշ: Պեղումներն ուսումնասիրվող երկրի տարածքում՝ Կաբալայում, Խինիսլիում, Շամախիում և այլուր, բացահայտել են դրամական գանձեր, որոնց մեջ մակեդոնական, սելևկյան, պարթևական ու

³⁴ Strabo. XI, IV, 4 (ընդգծումը՝ Ն. Ս.):

³⁵ И. Г. Алчев, *նշվ.* աշխ., էջ 160:

³⁶ Մի շարք հեղինակներ գտնում են, որ Աղվանքի սոցիալական ու տնտեսական պարզունակ կյանքի նկարագրության համար Ստրաբոնը օգտվել է ավելի վաղ հեղինակների, մասնավորապես, սելևկյան դորավար Պատրոկլեսի (մ. թ. ա. III դ. սկիզբ) տեղեկություններից, ուստի նրանց կյանքի պարզունակությունը արտահայտում է նշված ժամանակաշրջանի պատկերը (տե՛ս К. В. Тревер, *նշվ.* աշխ. էջ 9 և հլ.): Սակայն հարևան ժողովուրդների մասին Ստրաբոնի նկարագրությանը համադիր և մանրակրկիտ ուսումնասիրությունը բերում է այն համոզման, որ Ստրաբոնի տեղեկությունները բնութագրում են ողջ Աղվանքն ու նրա ժողովրդին հին ու նոր դարաշրջանների սահմանազլիում [ավելի մանրամասնորեն տե՛ս Ն. Ս. Սվադիս. Ստրաբոնի աղբյուրները Աղվանքի մասին (Պատմա-բանասիրական հանդես, 1978, № 1, էջ 95—104)]:

³⁷ Ploutarch's Lives. vol. II, p. 554—555 (Luccillus, XXVI).

այլ դրամների մեջ գտնվել են նաև տեղական կերտվածքի, հատկապես սելևկյան դրամների նմանողոթյամբ, դրամներ³⁸։ Ըստ անկողմնակալ հեղինակների, վերջիններս կերտվել են ոչ շուտ, քան մ. թ. ա. I դ. երրորդ քառորդում³⁹, մի ժամանակաշրջան, որն հիմնավորվում է նաև մատենագիտական տվյալներով։ Ստրաբոնը գրում է, որ դեռևս Պոմպեոսի արշավանքների ժամանակ՝ մ. թ. ա. 66—65 թթ., աղվանացիների մոտ գործածության մեջ տարածված չէ դրամը (οὐδὲ γὰρ νομισματι τὰ πολλὰ χρῶνται)⁴⁰։ Եվ ելակետ ունենալով նշված դրամների գրվագման այս ժամանակը, ավելի քան հավանական կլինի կարծել, որ դրանք հատող պետությունը ծագած պետք է լինի նման պետական գործառնությունից քիչ առաջ։

Այսպիսով, ինչպես նյութական, այնպես էլ գրավոր աղբյուրները թույլ են տալիս հիմնավորապես պնդելու, որ պետությունն Աղվանքում ծագել է միայն ու միայն Պոմպեոսի Աղվանք կատարած արշավանքից քիչ առաջ՝ մ. թ. ա. I դ. սկզբներին։

Իր հարևանների՝ Մեծ Հայքի ու Վիրքի համեմատությամբ Աղվանքում պետության ուշ առաջագրման խնդիրը պայմանավորված էր պատմական ու աշխարհագրական բնույթի մի շարք պատճառներով։ Երկրի ֆիզիկաաշխարհագրական տեսակետից խիստ կտրտվածությունը, դրա հետևանքով նրա առանձին շրջանների միջև տնտեսական թույլ կապերն ու վատ հաղորդակցությունը, համեմատաբար թույլ զարգացած սոցիալ-տնտեսական հարաբերություններն ու, վերջապես, զարգացման տարբեր մակարդակի վրա գտնվող բազմաթիվ ու տարալեզու ցեղերի գոյությունը, որոնք, Ստրաբոնի խոսքերով արտահայտված, «միմյանց հետ հեշտությամբ չեն մտնում հարաբերությունների մեջ (αὐτοῖς διὰ τὸ μὴ εὐεπίμικτον πρὸς ἀλλήλους)»⁴¹, զգալի դժվարություններ էին առաջացնում։

Ձևավորվելով որպես պետություն, Աղվանքը ամփոփվում է որոշակի սահմաններում։ Դրանք հյուսիսում կազմում են Կովկասյան գլխավոր լեռնաշղթայի հարավային՝ Կերատույան ճյուղն ու նրանից սկիզբ առնող Սոանա (այժմ Սուսգայիթ) գետը, արևելքում՝ Կասպից ծովը, հարավում՝ Կուր, իսկ արևմուտքում՝ Ալազան գետերը։ Նրա մայրաքաղաքն էր Ավթարանի բերքառատ հովտում աճած Կապաղակ (ըստ Պլինիոսի՝ Cabalaca, իսկ ըստ Պտղոմեոսի՝ Χαβαλα) քաղաքը⁴²։

Աղվանական պետությունը, առաջանալով մ. թ. ա. I դ. սկզբներին՝ 26 դդերի միավորման հիմքի վրա, նշված պետական-քաղաքական սահմաններով, որպես կենտրոնացված թագավորական պետություն, գոյատևում է մինչև

³⁸ Е. А. Пахомов, Античные монеты в Албании (Вопросы истории Кавказской Албании, Баку, 1962, с. 106—113), «...» Монетные клады Азербайджана и других республик, краев и областей Кавказа, вып. IX, Баку, 1966; И. А. Бабасев, С. М. Казнев, Кабалнский клад монет эллинистической эпохи (Нумизматика и этиг, африка, 1971, IX); Дж. А. Хамитов, «...», т. 2, 182—183.

³⁹ Е. А. Пахомов, Монетные клады Азербайджана... с. 20; Խ. Ա. Մ... 26 թ. ա. Դրամական շրջանառությունը Հայաստանում, Երևան, 1983, էջ 30.

⁴⁰ Strabo, IX, IV, 4.

⁴¹ Strabo, XI, IV, 6.

⁴² Գտնվել է Ադրբեջանական Հանրապետության Կուտկաշենի շրջանում՝ Չուխուր-Կարալա անունով հայտնի գյուղի շրջակայքում եղած ավերակների տեղում (տե՛ս Օ. Ս. Исмизаде, Кабала—столица древней Кавказской Албании (Вопросы истории Кавказской Албании, С. М. Казнев, Из прошлого Кабалнского магалы, (Вопросы истории Кавказской Албании, с. 75—105—«...»)).

մ. թ. V դ. կեսերը, որից հետո Անդրկովկասում ամուր հաստատվելու՝ Սասանյան Պարսկաստանի վարած քաղաքականության հետևանքով վերածվելով մարզպանության, վերանում է⁴⁸։

ОБРАЗОВАНИЕ ГОСУДАРСТВА КАВКАЗСКОЙ АЛБАНИИ

Г. С. СВАЗЯН

Р е з ю м е

Вопрос о времени возникновения государства Кавказской Албании занимал многих исследователей. Азербайджанские исследователи возникновения этого государства относят к IV—III вв. до н. э., ссылаясь на данные историка II в. н. э. Арриана об участии албанцев в битве при Гавгамеле (331 г. до н. э.), где якобы упоминается, что войско албанцев являлось войском самостоятельного государства. Однако у Арриана отчетливо сказано, что албанцы в Гавгамеле участвовали в составе индийских войск под общим командованием их сатрапа Атропата. Следовательно, их войска являлись частью единого военного подразделения чужой страны, а это означает, что в отмеченное время государство в Кавказской Албании еще не было сформировано. Оно, как показывают данные античных историков (Страбон, Плутарх и др.) и археологические материалы второй половины I тысячелетия (Ялойлутепинской и синхронной ей культуры), образовалось в Кавказской Албании незадолго до похода Помпея в Алуанк—в первые десятилетия I в. до н. э.

Столицей новообразованного государства стал город Кабала (Чухур-Кабала нынешнего Куткашенского района Азербайджанской республики). Северной границей государства Кавказской Албании была Кераунская ветвь Главного Кавказского Хребта и река Сумгаит, восточной—Каспийское море, западной—река Алазан, а южной—река Кура.

Сформировавшись в начале I в. до н. э., государство Кавказской Албании с отмеченными государственно-политическими границами как отдельное, самостоятельное царство просуществовало до середины V в. н. э.

⁴⁸ Աղվանից մարզպանությունն էլ երկար չի պահպանվում։ Արյաց արքաների վարած նույն քաղաքականության պատճառով VI դ. վերջերին այն տրոհվում է մանր ու ինքնուրույն վարչական-քաղաքական միավորումների, որոնք սկսում են հանդես գալ սեփական իշխանական տներով, ցեղերի կամ աշխարհագրական վայրի սնունդներով։ Պատմության ասպարեզում հանդես գալով նոր անվանումներով, դրանք նաև զարգարում են կրել մինչ այդ իրենց համար ընդհանուր «Աղուանք» անվանումը։ Ուսումնասիրվող տարածաշրջանում տեղի ունեցած այս վարչական, քաղաքական ու անվանական փոփոխությունների մասին մանրամասնորեն տե՛ս Հ. Ս. Սվաղյան, Աղվանից մարզպանության կազմավորման հարցի շուրջը (Պատմա-քաղաքական հանդես, 1979, № 4, էջ 210—218), նույնի՝ Աղվանքը և Միհրանյան տոհմը (ՀՍՍՀ ԳԱ Լրաբեր հասարակական գիտությունների, 1980, № 9, էջ 91—101)։